

*de
ms*

oor

L. 436.

H.



Freiherr v. Ende-Miljessnitz.



Manductio Aristotelica,
ad
LOCOS IN-
VENTIONIS RHE-
TORICÆ,
desumpta

ex prælectionibus publicis,
in Universitate Jenensi
propositis,

Anno cl^o l^oc XXXIII.

à

JOHANNÉ MICHAËLE
DILHERRO, P. P.



NORIMBERGÆ,
Sumptibus JOANNIS GEORGII ENDTERI.

An. MDCXCIV.

M. M. D. C. L. X. C. I. I.

LOCOS IN

VENTIONIS RHE-

TORICAE

ex praedictis

proponis

ANNO 1612

ANNO 1612

ANNO 1612

JOHANNES MICHAEL

DICTERRO, P. P.

WORMS

WORMS

WORMS

WORMS

WORMS

WORMS

WORMS

WORMS

WORMS





DE

INVENTIONE.

I. **N**otum est: finem Oratoris esse, persuadere: quod quidē quin fiat benè dicendo, nemo dubitabit. Benè autem nemo dixerit; nisi res habeat, quibus auditores in suam pertrahat sententiam. Res igitur Oratori sunt *inveniendæ*; *inventæ disponendæ*; *dispositæ, verborum sententiarumq; luminibus, exornandæ*; *exornatæ memoriter apteq; pronunciandæ.*

2. Apparet ergò: *Ad benè dicendum ejusq; artem, quatuor requiri: Inventionem, Dispositionem, Elocutionem, & Pronunciationem.* Addidère nonnulli *Memoriam*, ceu partem quintam; quam nos, cum Aristotele, veteribusque aliis, prætermittimus: quia, quæ juvant memoriam, ad distinctam artem pertinent, quæ vocatur *μνημονευτική*, *Mnemonicæ*: quam professus nuper fuit, in variis Europæ oris, Schenckelius quidam

dam, & nonnulli alii: quorum de hac re libelli sunt consulendi.

3. *Inventio*, est excogitatio rerum verarum, aut verisimilium, quæ causam probabilem reddunt: Cic. L. 1. de invent. Per res, veniunt nobis intelligenda argumenta: quorum interventu sententiam nostram stabiliamus, atq; alteri persuadeamus. Definitur verò *argumentum*, quòd si probabile inventum, ad faciendam fidem: Cic. in Part. Orat. Vel: *ratio probationem præstans*; qua colligitur aliud per aliud; & quæ, quod est dubium, per id, quod dubium non est, confirmat: Quint. L. 5. Instit. Orat. 10.

4. Antequam verò de argumentis laboremus inveniendis, quæstionem adesse oportet: hoc est, aliquid, quod in controversiam veniat: sive, quòd oratoris studio sit explicandum. Quæstio illa penitus est cognoscenda, ejusque natura intimè perspicienda: quò, quid ei profit, quid obsit, rectè cognoscamus.

5. Hinc scribit Cicero. 2. de Orat: Equidem soleo dare operam, ut de sua quisq; re me ipse doceat; & ut ne quis ali' adsit, quò liberiùs loquatur: & agere adversarii causam;

sam: ut ille agat suam: *¶* quicquid de sua re cogitarit, in medium proferat. Itaq; cum ille discessit, tres personas unus sustineo, summa animi equitate: meam, adversarii, judicis: qui locus est talis, ut plus habeat adjumenti, quàm incommodi; hunc judico esse dicendum: ubi plus mali, quàm boni reperlo; id totum abjudico, atq; rejicio.

6. Ita adsequor; ut alio tempore cogitem, quid dicam; *¶* alio dicam; quæ duo pleriq; ingenio freti simul faciunt; sed certè iidem illi meliùs aliquantò dicerent, si aliud sumendum sibi tempus ad cogitandum; aliud ad dicendum putarent.

7. Idem eodem libro scribit: Cùm, accepto causæ genere *¶* cognito, rem tractare cœpi; nihil prius constituo, quam quid sit illud quò mihi referenda sit omnis illa oratio, quæ sit propria quæstionis *¶* judicii. Deinde illa duo diligentissimè considero; quorù alterum commendationem habet nostram, aut eorum, quos defendimus; alterum est accommodatum ad eorum animos, apud quos dicimus, ad id, quod volumus, commovendos.

8. Ita ratio omnis dicendi, tribus ad persuadendum rebus, est nixa: ut probemus, vera esse

esse ea, quæ defendimus ; ut conciliemus nobis eos, qui audiunt ; & ut animos eorum, ad, quemcunq; causa postulabit, motum vocemus. Hæc apud Cic. d. 1.

9. Hæc omnia paulò post enucleatiùs intelligentur. De argumentis dictum est, quid sint, §. 3. dicendum jam, unde petantur. Petuntur nimirum ex Locis. Loci autem, Cicerone & Boëthio docentibus, sunt notæ, quarum admonitu, quid de quaq; re probabiliter possit dici, potest inveniri.

10. Hi Loci vel sunt Rhetoricæ & Dialecticæ communes ; vel tantùm proprii Rhetoricæ. Communes sunt triplices, Aut enim constituunt essentiam subjecti & prædicati : ut Loci Generis, Speciei, Definitionis ; Totius, Partis ; & dicuntur *Loci interni*.

11. Aut non constituunt essentiam subjecti vel prædicati ; naturali tamen vinculo cum aliquo eorum cohærent : ut Loci Accidentis, Proprii, Conjugatorum, Causæ Efficientis, Finalis, Effectorum : & dicuntur *Loci conjuncti*.

12. Aut denique nullo naturali vinculo cohærent, cum partibus quæstionis, subjecto scilicet, & prædicato ; & petuntur vel ex voce : ut Locus Notationis nominis ;
vel

vel ex re; ut Locus Similium Comparatorum, Oppositorum; & vocatur *Loci disjuncti*. Qui Loci omnes producant argumenta artificialia; utpote artis beneficio, ad quæstionem probandam, excogitata & inventa: cum contra *inartificialia* vocentur, quæ non nostra opera pariuntur; sed extrinsecus sumuntur: quorum, ab Aristotele quinque recensentur: *Leges, Testes, Pacta, Quæstiones, & Juramenta*. Cicero ea omnia, quæ sine arte parantur, & extrinsecus adsumuntur, appellat *Testimonia*.

De Locis, Dialecticæ & Rhetoricæ communibus.

I. **Q**uanquam hi Loci, quos Dialecticæ & Rhetoricæ communes diximus, ex Dialecticis peti possunt: tyronum tamen captui nos accommodantes, breviter & strictim eos percurramus.

2. In Loco Generis, occurrit hic Canon: *Quodcumq; prædicatur de genere, prædicatur etiã de specie, & individuo illius generis*. Ex hoc Loco argumentatur Paulus, 1. Tim. 1, 9. *Lex non est justis posita; sed injustis: moxq; enumerat varias injustorũ species, videlicet:*

inobsequentes, irreverentes, profanos, par-
ricidas. Et Vultejus inde probat : legiti-
matus per subsequens matrimonium non
posse succedere in feudo : quia de genere,
b. e. naturalibus, prædicetur, quòd non suc-
cedant : inter quos etiam sint legitimati per
subsequens matrimonium.

3. Negativè, ex loco Generis, argu-
mentamur, secundum hunc canonem : *A*
quocunq; removetur Genus, ab eodem re-
movetur & quælibet ejus Species. Ut: nihil
nos separabit à charitate Dei; nec tribula-
tio, nec angustia, nec fames, nec nudi-
tas &c. Rom. 8, 35.

4. In loco Speciei : *Cui tribuitur Species;*
eidem tribuitur & Genus. Valet hic Canon
affirmativè, non negativè. Ut: necessaria
est Christiano patientia : Ergò & fortitu-
do; quia patientia est species fortitudinis.
Non autem rectè procedo, si dicam : præ-
dicamus Dei virtutem : Ergò & misericor-
diam; possemus enim etiam justitiam præ-
dicare. Quippe non licet argumentari à Ge-
nere ad certam & determinatam Speciem.

5. In loco Definitionis : *Cui convenit*
Definitio; Eidem convenit & Definitum.
Valet affirmativè, & negativè. Exemplum
esto

est illud Leonis serm. 1. de jejuniis: *proximi nomine, non ii tantum intelligendi sunt, qui nobis amicitia & propinquitate conjuncti sunt; sed omnes prorsus homines, cum quibus natura nobis communis est, sive illi hostes, sive socii sint, sive liberi, sive servi. Ergo omnes hi diligendi. Et Pauli ad Ebræos 5, 1. ubi probat, Christum esse nostrum pontificem; quia convenit ei definitio pontificis. Est enim pontifex, qui, ex hominibus assumptus, pro hominibus constituitur, in his, quæ ad Deum sunt: ut possit intercedere, & offerre dona, & victimas, pro peccatis.*

6. In loco Totius: posito toto; ponuntur omnes ejus partes necessariae. Ut: Christus est verus homo. Ergo veram habet animam, verumque corpus. Job fuit justus. Ergo recessit à malo, & fecit bonum; credidit, & benè egit: Jobi, 1, 1. Sed nos varias & intricatas Totius divisiones ad Logicos & Metaphysicos remittimus.

7. In loco partium: positis omnibus partibus necessariis, ponitur totum. Ut: si ascendero in cælum, tu illic es; si lectum stravero in inferno, ædes; si habitavero in extremis maris, illuc manus tua deducet me. Ps. 139, 7. Ergo es ubique.

8. In Loco Accidentis ; quod vel est antecedens: ubi hic valet canon: *Sublato antecedente, tollitur consequens*. Ut: si filii non sumus. Ergò, etiam hæredes non sumus. Vel, si quis statuatur, Judæos, ante extremum iudicium, esse convertendos; & propterea ita argumentetur: Hodie iudicium extremum non instat: quia Judæi nondum se adgregarunt ad fidem.

9. Vel consequens, ubi hic: *Posito consequente, ponitur antecedens*. Ut Matth. 5, 3. *Beati pauperes spiritu: quia ipsorum est regnum cælorum*. Damnatus est: Ergò, fidem in Christum, vel non habuit; vel non ad finem servavit.

10. In Loco Proprii: *Cui convenit proprium; eidem convenit illius proprii subiectum*. Ut: trahit ferrum. Ergò, est adamas. Vel: esse Regem seculorum, scrutari corda, scire, quid sit in homine, & omnes ejus sensus nosse; proprium est Dei, At hoc Christo competit. Ergò, est Deus.

11. In Loco Conjugatorum: *Cui unum conjugatorum convenit; eidem conveniunt & reliqua*. Ut: Si Filius vos liberat; verè liberi

liberi estis. Johann. 8. Et: Ego sum lux mundi: qui sequitur me, non ambulat in tenebris: sed habebit lumen vite. Et: si fortiter agere, est laudabiliter agere: Ergo, vir fortis est laude dignus. Et; injustus non est ignorans. Ergo, injustitia non est ignorantia.

12. In Loco Causæ efficientis: Posita causa efficiente, & operante; ponitur effectum: &, causa efficiente non operante; non sequitur effectum. Ut: Deus mittit Apostolos suos, Evangelium, toti mundo, annunciantes. Ergo, Evangelium toti mundo annunciatur. Et: Apostoli, poenitentiam Judæis prædicantes, ab accessu gentilium tunc sunt prohibiti. Ergo, prædicatio poenitentiae ad gentiles tunc non pervenit.

13. In Loco Causæ finalis: Posito fine; ponuntur media ad finem: at: Sublato fine; non necessario tolluntur media. Ut: cupis videre Deum. Ergo, debes esse mundo corde. Omnes nostræ actiones debent ad Dei gloriam dirigi: Ergo, omne etiam verbum otiosum à nobis debeat exulare. Quæritur apud Politicos & Jurisconsultos: an fili⁹ impensas
a 6 studio-

studiorum gratia, à patre sibi suppeditatas, ac benè collocatas, teneatur refundere? negant Hartmannus Pistorius, Welsenbecius, Cujacius, Arumæus, alii: & militat noster hic Canon: qui vult finem; vult & media. Atqui pater voluit, filium proficisci in Academiam, & bonas literas addiscere. Ergò & sumtus, qui media, & sine quibus in Academiis esse non possumus, suppeditare debuit. Quoad posterius Canonis membrum: negata doctrina; non necessariò tolluntur libri.

14. *In loco Effecti: posito effectu, necessariò ponitur & causa. Ut: agnoscit peccata, & poenitet eum delictorum: audivit igitur doctrinam legis. Sentit: ergò habet animam. Domus est exstructa: ergò est, vel fuit Architectus. Homo est corruptioni obnoxius: ex materia igitur fragili compactus est. Omnia, ut vestimentum, veterascunt: ex corruptibili itaque materia constant. Ponit animam suam, pro ovibus suis: bonus itaque est pastor.*

15. *In loco à Notatione nominis: de quo dicitur etymon nominis; de eodem dici debet nomen, seu res, quæ tali nomine significatur. Vel: de quo dicitur nomen; de eodem dici-*

dicitur Tres nominis. Ut: est feudum: ergò, subest fides. Est mutuum: ergò, est ex meo tuum. Esau, de Jacobo fratre suo, genere sermonis correctorio, conquerens, ait: nonne verè vocatum est nomen ejus Jacob? nam supplantavit me jam duabus vicibus. Primò genituram meam abstulit: & ecce! nunc quoque accipit benedictionem meam. Alludit Esau ad ἔτυμον nominis Jacob, quod derivatur ab Ebræa voce Akabb, seduxit, decepit, supplantavit, conculcavit. Et hoc vult dicere: dicitur frater meus Jacob; quod significat supplantatorem: & verè quoque me supplantavit. Et capite 27, 36. Genes. refertur, inditum fuisse Jacobo hoc nomen: quod, nascens, plantam Esavi, qui ipsum in partu præcessit, apprehenderit. Ebr. 7. Christus est Melchizedeck, & rex Salem: est ergò rex justitiæ & pacis. Est consul: ergò consulit Reip. Est merula: ergò volat, mera vel sola.

16. In loco Similium: *similium sunt similia consequentia. Ut: Intellectus est similis oculo: ergò, quemadmodum oculus regit totum corpus: ita intellectus regit totam animam. Animus hominis est*

similis vasa, vel lagenæ angusti orificiî. Quemadmodum autem, si quid in vas, vel lagenam ejusmodi, volueris infundere, sensim illud debet instillari: ita & animus superfusam informationis copiam respuit; quam sensim admittit. Ingratus est similis lagenæ: beneficia infusa faciliè admittit: reddit verò eadem, multo cum murmure, & querelis. Tyrannus est quasi vomica: quia, ut hæc crescit phthisi corporis; ita ille dispendio Reipub. Quemadmodum porrò illa excinditur: ita & hic tandem excinditur.

17. In Loco Oppositorum: *Unum immediatè oppositorum tollit alterum.* Ut: *Christus ejecit demonia, digito, præsidio, seu virtute Dei.* Igitur non ejecit demonia, præsidio Beelzebub, Luc. 11. Si Mammonæ servis; non potes servire Deo: Matth. 6. Gratis salvati estis. Ergò, non ex operibus: Ephes. 5. Benedictus est, & sempiterna perfuitur gloria. Ergò, non ivit in ignem æternum. Est liber. Ergò, non est servus. Est sui juris. Ergò, non alieni.

18. In Loco Comparatorum : Si id inest, quod minus videtur inesse; etiam illud inerit, quod magis videtur inesse. Ut: Rom. 8. 32. Qui proprio Filio non pepercit, sed, pro nobis omnibus, tradidit illum: qui fieri potest, ut non, & cum eodem, omnia nobis donet? Johann. 15, 29. Non est servus major Domino: si persecuti sunt me; & vos persequentur: 2. Pet. 2. 4. Si Deus angelis, qui peccaverant, non pepercit: multò minus parcat hominibus in peccata lapsis, & subindè relabentibus. Et Matth. 12, 11. Quis erit ex vobis, qui habebit ovem unam; & si ea incidet sabbatis in foveam, nonne apprehendet eam, & eriget? quantò autem præstantior homo ove? licet igitur sabbatis eum beneficiis afficere. Et: Si id non inest, quod magis inesse videtur: Ergò, etiam illud, quod minus inesse videtur, non inest. Ut i. Joh. 4, 20. Si fratrem suum, quem vidit, non diligit; Deum, quem non videt, quomodo potest diligere? Vel ex Theocrito: Si capellam portare nequis: quomodo portabis bovem?

19. Atq;

five classes; in quas distributa est omnis varietas rerum, de quibus dicendum est: ut facilius in quibuslibet materiis, & ratio ac via explicandi, & argumenta, ad rem facientia, possint inveniri.

3. Rhetoricæ sanè negotia, vel res, de quibus est perorandum, nobis non offert; sed tempora potius & loca, in quibus est nobis vivendum, res nobis eas objiciunt: quemadmodum litigator defert negotium ad causidicum. Hoc autem nobis præstat Rhetoricæ cognitio, & cum primis generum causarum consideratio: ut, si sciamus, quo de nobis agendum, quomodo tractandum sit, perspiciamus. Invento enim causæ genere, statim loci, ad dicendum idonei, nobis occurrunt.

4. Quin & cognito causæ genere, confestim de orationis fine possumus judicare, & quænam sit præcipua intentio, quodnam rei caput & summa, quis scopus, videre. Quantum a. in eo sit instar situm, ut scopum orationis calleamus; non opus est multis edisserere. Arcum enim aliquis intendat, absque scopo; quam inde hauriet utilitatem? tela emittentem intuearis, & metam telorum
igno-

ignores ; quam capies inde voluptatem ?
 5. Ex quibus facile apparet : *duabus potissimum de causis, causarum esse genera inventa* : primo, ut finem, scopum & intentionem cujusque orationis cognoscamus : *deinde, ut Locos, è quibus argumenta probandi sunt desumenda, ob oculos habeamus* : quos, ceu Theseus filium Ariadnes,prehendamus & sequamur.

6. Aristoteles, Cicero, Quintilianus, Dionysius Halicarnassensis, & veteres alii quam plurimi, tria fecerunt Causarum Genera : & *συμβουλευτικὸν*, Deliberativum : *Ἰπιδεικτικὸν*, Demonstrativum : & *δικαστικὸν*, Judiciale, tradiderunt. Probavit numerum hunc ternarium Stagirita, *ex auditorum diversitate*. Ita enim progreditur.

7. Is, ad quem pertinet Oratio, hoc est, auditor, vel est tantum Ascultator, Aristoteli *ἑαυτοῦ*, Ciceroni Laudum Spectator ; vel disceptator, & rei sententiaq; moderator, *κρίτης*. Et statuit quidem hic disceptator, aut de præteritis, ut Judex, *δικαστής* aut de futuris, ut Senator.

8. Sic ergo tria sunt Genera Causarum :
 Judicii

Judicii, Deliberationis, Exornationis.
 Exornatio autem, quæ laudationibus præ-
 fertim valet, proprium jam habet ex eo
 nomen: dicitur aliàs Genus Demonstra-
 tivum.

9. Porro etiam numerum suum probat
ex fine. Vel enim est auscultatoris delecta-
 tio: ut in Genere Demonstrativo: vel
 Consultantis spes, aut metus; ut in Genere
 Deliberativo: spes in suasione; metus in
 dissuasione: vel Judicis clementia, aut sævi-
 tia; ut in Genere Judiciali: clementia in
 defensione; sævitia in accusatione.

10. Probari potest triplex hic Finis ulte-
 rius: quia vel tendit ad utilitatem, ut eve-
 nit in Suasionibus: vel ad honestatem; ut
 in laudationibus: vel ad justitiam, & æqui-
 tatem: ut in Defensionibus.

11. Evincitur tandem *ex temporis tri-
 plicitate*. Vel enim Orator versatur circa
 tempus præteritum, vel circa futurum,
 vel circa præsens. Circa præteritum occu-
 patur Genus Judiciale; quod, positum in ju-
 dicio, habet in se accusationem, & defensio-
 nem: quæ locum non habet, nisi in iis, quæ
 jam facta sunt: circa futurum, Deliberatio.
 Deli-

Deliberamus enim de rebus adhuc incertis,
& quæ in nostra sunt potestate positæ: qua-
les sunt futuræ.

12. Demonstrativum, circa *præsens*.
Neque enim quenquam laudamus, aut ex-
tollimus, quòd virtute præditus fuerit, &
ab ea postmodò desciverit; sed quòd eam
etiamnum amplectatur. Et quanquam ali-
quando defunctos quoque commendamus;
proponimus tamen eosdem, ut præsen-
tes: quòd, cum omnia mutationi & inte-
ritui sint obnoxia, sola virtus neque se-
nium, neque mortem admittat, sed clara
æternaque habeatur.

13. Tot, neque plura causarum genera
Veteres nobis tradiderunt. Communis ve-
rò Germaniæ præceptor Philippus adden-
dum censuit genus quartum, *Didascalicum*.
Etsi enim Logicæ proprium est, docere:
tamen, prout jam nos utimur Rhetorica,
Oratori quoque id muneris nonnunquam
incumbit: qui quidem illud & copiosius
exsequitur, & splendidius

14. Moverunt itaq; Philippum *causæ*
due, quamobrem reliquis hoc adjungeret:
prima est, quod usum haberet non in Ec-
clesia

clesia solùm, sed in aliarum quoque rerum
 explicatione amplissimum: quia methodus
 ejus magnam cuiusvis materiæ lucem affun-
 dit: *secunda*, quod loci generis Didascalici
 multum adminiculi reliquis conferrent
 causarum generibus, & essent quasi earum
 vestibulum.

15. Percurremus locos inventionis,
 singulis causarum generibus communes,
 qui sunt: *possibile & impossibile; magnum &*
parvum. Et *possibile* quidem ac *impossibile*
 vel ostendimus ratione *præteriti*, quid jam
 factum, aut non factum; vel ratione *præ-*
sentis, fieri posse, aut non posse; aut ratio-
 ne *futuri*, fore, aut non fore.

16. Factum aliquid esse, probari solet
 ex his canonibus: Si id, quod minùs
 credibile est, factum fuit, etiam
 quod magis credibile. Arist. 1. Rhet. 15.
 Ut: qui mentiri aut fallere insuerit patrem,
 aut audebit; quantò magis audebit ceteros:
 Ter. Adolph. A. 1. sc. 1.

17. Si id factum, quod fieri solet poste-
 rius; credibile est, factum etiam fuisse, quod
 fieri solet prius. Ut: Cain interfecit Abelem:
 ergò ipsi antea fuit infensus; invidit, aut
 suc-

succensuit ipsi, aut cum ipso contendit
 Cain. Qualem quidem contentionem, in
 Targum Jonathanis, sive Paraphrasi Chal-
 daica, ad. v. 8. c. 4. Gen. invenimus, huc, si
 non tædet, conferendam. Et accidit,
 cum egressi essent ambo foras; respondit
 Cain, & dixit Habeli: agnosco ego, vel
 intelligo; quòd per misericordias crea-
 tus sit mundus: at, non juxta fructus
 operum bonorum, ille gubernatur; sed
 acceptio personarum est in judicio Divi-
 nae Providentiæ: propterea quod recepta
 fuit oblatio tua; sed mea oblatio abs me
 non suscepta est cum beneplacito. Re-
 spondit Habel, & dixit Caino: per mi-
 serationes creatus est mundus, & juxta
 fructus operum bonorum utique guber-
 natur; nec est acceptio personarum, in
 judicio: sed quia fuerunt fructus meo-
 rum operum meliores, & promptiores
 tuis, suscepta fuit gratiosè oblatio mea.
 Respondit Cain, & dixit Habeli: non
 est judicium, neque judex, nec seculum
 aliud, nec dabitur merces bona justis,
 nec vindicabitur ab impiis. Respondit
 Habel, & dixit: est judicium, & est ju-
 dex, & est seculum aliud, atque dabitur
 mer-

merces bona justis, & vindicabitur ab im-
 piis. Ita super negotiis hujusmodi verbo-
 rum rixabantur, in superficie campi. Sur-
 rexit ergò Cain super Habel, fratrem
 suum, & inflixit lapidem in frontem
 ejus, & interfecit eum.

8. *Quod quis voluit & potuit; dubium
 non est, quin fecerit.* Ut: Nero Imperator
 sapius exoptasse scribitur, ut cives omnes
 naum collum haberent: quò, ictu uno,
 omnes necare posset. Sæviendi hinc facile
 apparet *voluntas*: ad quam, crescente ejus
 subinde imperio & potentia, accessit *fa-
 cultas*. Quis jam dubitet, monstrum illud
 hominis, & lutum sanguine maceratum,
 in sanguinem humanum crudelissimè fu-
 isse grassatum? *Voluisse* autem quis putatur;
 cum animi adfectibus, irâ, odio, amore,
 cupiditate, &c. impellitur: *potuisse*, cum
 commoda sese offerunt circumstantiæ, ac
 nullum intervenit impedimentum. Ut:
 Pamphilus amavit Glycerium, quæ & ipsa
 illius amorem non fuit adversata: remotis
 noctu arbitris, convenere in cubiculo: quis
 ambigat, Pamphilum id fecisse, quod Pro-
 pertius cum sua Cynthia, Catullus cum
 Lesbia solebat?

10. Aliud

19. Aliud nobis exemplum subministrare potest Historia Josephi. Ut: Si quid Josephus querelarum, de moribus fratrum suorum, audiret, vicinosque, offensos sceleribus eorum, animadverteret; patri id renunciabat. Odium inde fratres in ipsum concipiebant crudele & implacabile: nec poterant invidi conceptum odium dissimulare; quin asperitate verborum, quoties cum eo loquendum esset, animi morbum proderent. Malebant divum, quam vivum: & nihil habebant prius aut antiquius, quam ut numero viventium eum exturbarent, ac, si fieri posset, etiam infra mortuos amandarent. Cumque patris, senectute gravati, greges, in locis desertis, & a domo patria remotioribus, aliquando pascerent: de improvviso Josephus intervenit; quem cum verbis exceperunt amarulentissimis: verisimile est, lucem quoque hanc, quæ communis est, eripuisse, aut damnum aliud grave conciliasse.

20. Fieri aliquid posse, probabile redditur, ex istis: *Fieri hoc potest, cuius contrarium aut jam est, aut esse potest. Ubi tamen hoc est observandum, quod in contrariis*

trariis alterum difficilius, alterum facilius; alterum præstantius, alterum deterius. Quod si jam difficilius & præstantius fieri potest; fieri etiam poterit facilius & deterius. Et hæc quidem observatio est Majoragii, in *Comment. super secundum Rhet. Aristotelis*. Ut: extruere has ædes potui; ergo & destruere possum. Salvare Deus animam potest; ergo & perdere. Condere Deus mundum potuit; ergo & eundem abolere potest. Acquirere has fortunas & facultates potuit; poterit ergo & dilapidare & consumere.

21. Si simile fieri potest; etiam simile. Vel: id fieri posse judicatur, cujus, quod simile est, fieri potest. Ut: si quis domi bonus est paterfamilias; etiam publicè bonus erit Magistratus: quia, quod domi est, in familia, pater; id in Rep. est Magistratus. Aut si Medicus ægroto mederi potest facilius, si accuratam morbi habeat cognitionem: etiam Politicus multum proderit labanti Reip. si nævos ejus & vitia probè habeat perspecta. Unde *Galenus*: non est mirandum, complures tantum in Medicinæ operibus aberrare, quantum in cognitione

atione falluntur. Et *Polybius*: si quis censet aliud magis proprium esse boni Ducis officium, quàm hostium Imperatoris ingenium naturamq; nôsse; errat, inò insanit. Et egregius Atheniensium Dux, *Chabrias*, in ore habebat: cum optimè Ducis munere posse fungi, qui res hostium quàm maximè cognitas haberet.

22. Aliud, ex eadem collocazione, adferemus exemplum. Ut, quamvis exiguis diatæ erroribus, quotidianis tamen, non solum vitrea, sed interdum etiam ferrea potest labefactari valetudo: ita, si quis salvam velit Rempublicam, cavendum, ne quicquam omninò contra Leges admittatur. Nam id nî fiat; paulatim & latenter irrepunt rerum omnium depravationes: ut necesse sit, illam funditus tandem perire Rempublicam.

23. Si difficilius fieri potest, potest etiam fieri facilius. Ut: si quis elegantem & ornatam potest scribere Orationem; poterit etiam simpliciter scribere Orationem: quia difficilius est eleganter, quàm utcunq; scribere. Signatè *Aristoteles*, 2. Rhet. cap. 19. εἰ ἀσθενέστερον, ἢ καλὸν γενέσθαι δυνατὸν, ἢ ὅλως γενέσθαι δυνατὸν, i. e. si virtute præditum,

ditum, vel pulchrum, fieri potest; etiam
 omninò fieri potest. Ut: Si potuerunt Ro-
 mani Hannibalem vincere: etiam Mithri-
 datem, imò simpliciter, vincere poterunt.
 Huc pertinet exemplum Cornificii, Lib. 4.
 ad Herenn. Quos ex collibus dejicimus;
 cum his in campo metuimus dimicare? qui,
 cum plures erant, paucis nobis æquari non
 potuerunt: hi, postquam pauciores sunt,
 metuimus, ne sint superiores? Huc quoq;
 digitum intendit Æneas, apud Virg. lib. 1.
 Æn. cum socios itineris ita alloquitur:

O Socii! (neque enim ignari sumus antè
 malorum) (nem.

O passi graviora! dabit Deus his quoq; si-
 Vos & Scyllæam rabiem, penitusq; sonantes
 Accèstis scopulos, vos & Cyclopea saxa
 Experti; revocate animos, mœstumq; ti-
 morem

Mittite: Forsan & hæc olim meminisse ju-
 vabit. (rum,

Per varios casus, per tot discrimina re-
 Tendimus in Latium, sedes ubi fata quietas
 Ostendunt: illic fas regna resurgere Trojæ.
 Durate, & vosmet rebus servate secundis.

24 Cujus fieri potest principium, illius
 etiam fieri potest finis. Vel: cujus principium
 b 2 fuisse

fuisse probare possumus; idem etiā finem habere, confirmare in proclivi est. Quæ enim fieri non possunt; nec gignuntur unquam, nec gigni incipiunt. Videtur canon hic magis loqui de rebus naturalibus, quàm moralibus, aut artificialibus: vel certè, si de moralibus etiā & artificialibus intelligendus; intelligi debet de viro prudente, qui nihil susceperit, supra vires & facultates suas positum. Exemplum esto: Si est possibile, aliquem fieri puerū; fieri etiam potest, ut sit senex. Vel: si fundamentū exstrui potest, etiam domus. Vel: si Darius ab Alexandro vinci cœptus est; prorsus quoque debellari ab eo potest.

25. *Cujus finis esse potest, ejus etiam principium potest. Vel: quod finem habere potest, idem initium quoq; habet.* Cuncta enim, quæ constant, à principio aliquo ducuntur. Ut: si conceditur, aliquem doctum esse; negari non potest, eundem bonis literis incubuisse: sine quibus doctrina non paratur. Phthisi laboravit: ergò corruptione pulmonum fuit infestatus.

26. *Quorum cupiditas nobis est à natura insita, ea sunt possibilis.* Ratio: quia aliàs illud à natura nobis inditum desiderium esset frustrà; cùm tamen natura nihil faciat frustrà:

strà : nemo sana mente præditus appetat illa, quæ consequi se non posse videt. Et hic Locus utilissimus est in consiliis dandis: cum auctores esse volumus aliis, ut vel liberalia studia tractent, vel armacapessant, vel certo studiorum generi sese dedant, aut etiam eosdem dehortari, ne suscipiant & tractent illa, à quibus à natura alieni esse videntur. Quo pertinent versiculi Poëtæ:

*Tu nihil invita dices faciesve Minerva:
Naturam expellas furca, tamen usque re-
curret.*

Præclarè etiam dixit Socrates: duas esse res, quæ eruditionem pariant; amorem seu cupiditatem, & studium. Et Plutarchus, solertissimus ingeniorum formator, inter studiosi requisita, principem tribuit locum τῆ φύσεως, naturæ: secundum μαθήσεως, doctrinæ: tertium ἀσκήσεως, usui, seu exercitationi. Unde graviter parentes illi peccant, qui ad Facultates eas liberos suos cogunt, à quibus illos alienos esse, & abhorrere prorsus, animadvertunt. Quid hoc aliud est, quàm invitos canes venatum ducere?

27. *Quæ arte sunt & præceptis tradita, illa quoque fieri possunt.* Ratio: quia artes

propterea sunt inventæ, ut, quæ per se sunt obscura & difficilia, methodo facili comparentur. Ita *ἀδύνατον* non est, Oratorem aliquem fieri, eleganter & ornatè scribere; quia ars illa certis præceptis est comprehensa. Et licet Jus Civile sit longè lateque diffusum, atq; difficile, tamen disci potest: quia est certis præceptis traditum. Et hic quoque Locus magnum usum habet, cum difficultatem tollere volumus, quæ in Scientiis parandis sese ostendit, & qua multi deterrentur, quò minus ad solidæ doctrinæ fastigium conscendant.

28. *Quæ in eorum sunt manu, quibus vel imperare, vel persuadere possumus; ea possunt contingere.* Ut: Dominus, cum servo imperat, potest consequi, quod vult: quia cogendi potestatem habet. Et Magistratus absolutus animum abjicere non debet, etiã in arduis negotiis imperandis: quia potest in ordinem subditos suos redigere, & illis mandare. Ita amicus potest voti sui compos fieri: quia persuadendi facultatem habet. Est quoque hujus Loci magna utilitas, cum ostendere volumus, posse aliquid fieri; cum cogere possimus alios; aut
impe-

impetrare quid, vel benevolentia, vel precibus, vel donis. Hinc illud proverbium: *Amicorum preces cogendi vim habent.* Et Alexandri Magni pater, Philippus, nullam arcem tam esse probe munitam, dixit, quin capi possit; si in eam ascendere possit asinus onustus auro: quod certè ingens habet ad persuadendum robur.

29. *Quorum partes fieri possunt, eorum etiam totum fieri potest.* Ratio: Quia totum ex partibus constat, & nihil est aliud, nisi partes simul sumtæ. Ut: Si fieri potest, ut quis discat doctrinam de morib⁹, de naturæ obscuritate; de transcendentibus, eorumque affectionibus, & differendi ratione &c. Philosophiam quoque discere potest. Aristoteles profert exemplum de futore: si obstragulum, ligulam & soleam facere potest; calceum quoque facere poterit. Habet Locus hic usum ad excitandos homines, ad constantiam & continuationem in negotiis suis: qui sæpè benè incipiunt, sed inchoata non absolvunt.

30. *Si unum relatorum potest fieri, potest fieri & alterum.* Ut: si aliquis potest esse Dominus; potest etiam habere servum:

b 4

&

& contrà : si quis potest habere servum ; potest etiam esse Dominus.

31. *Quod sine labore & arti fieri potest ; illud etiã arte adhibita, & quidẽ melius atq; facilius, fieri poterit. Quia ars naturam vel imitatur, vel corrigit, vel perficit ; etiam actiones ipsas plurimum juvat atq; promovet. Confirmat hoc Aristoteles ab autoritate Agathonis, veteris Poëtæ Græci, qui dicebat: artem à fortuna, & fortunam vicissim ab arte diligi; multa quoq; sæpè casu & fortuna fieri, sed tamen ab arte juvari. Habet hic quoq; Locus non exiguũ usum in consiliis dandis ; cùm autores esse volumus aliis, ut certæ alicui Facultati sese dedant : e. g. aliquis à natura disertè loquitur ; excitandus ergò ad eloquentiæ est studia : si enim diligentiam & præcepta adhibuerit ; natura, arte adjuta, longè magis sese exeret.*

32. *Quod effici potest vel ab inferioribus opibus & potentia, vel etiam minus prudentibus ac doctis ; illud quoq; à superioribus & prudentiorib⁹ poterit effici. Aristoteles ejusmodi habet exemplum. Si Eutynus, homo nullius ingenii, quarta, quod dicitur, luna natus, discere potuit Rhetoricam ; discere etiam poterit Isocrates, præstanti præditus inge-*

ingenio. Erit & hujus Loci usus : cùm exemplis inferiorum excitare ignavos volumus, & somnolentos.

33. Futurum aliquid esse, aut non esse, eodem modo probari potest, quo probari solet, factum aliquid esse, aut non factum. Quod enim non voluntas tantùm nostra suadet, verùm etiam facultas efficiendi penes nos est, futurum esse creditur. Item, quod ira, odium, amor jubent; futurum est, si vires & potentia nobis suppeditentur. Futura denique credimus, quorũ jam circumstantiæ antecesserunt, quæ facta istiusmodi antecedere solent; convicia, rixæ, temulentia: ad quæ vulnera cædesq; plerumq; subsequi solent. Ut: Symbolum dedi cum consaliniis meis, hanc vesperam hilarem sumturus: accedebam. Herculeos sese, in evacuandis vitris, præstabant, & jucundissimè invicem vivebant; imò sacrosanctum amicitiaæ fœdus, quasi præsentè feciali, ferruminabant. Primus inquit: ego vocor Johannes Leporinus: faciam, quæ tibi grata fore cognovero; quæ molesta, fugiam & averfabor. Alter Pyladæ suo alterum se præstiturus Orestem reponit: Ecce! mihi nomen est Andreaæ Bovillo: neutiquam certè ego committam,

b s

ut

ut tuo me superes amore: quicquid mihi es
pollicitus, en! & ego polliceor, me omni-
nò facturum.

*Per solis radios, Tarpejaq; fulmina juro,
Et Martis frameam, & Cyrrhæi spicula
vatis:* (la,

*Per calamos venatricis pharetrasq; puel-
Perq; tuum, pater Ægei, Neptune, triden-
tem:* (nerva, &

*Addit & Herculeos arcus, hastamq; Mi-
Quicquid habent telorum armamentaria
cæli.*

Dextra dextræ jungitur, ligulæ expediun-
tur, quæ utriusque manicis inducantur, &
amicitia initur, nullis unquam seculis dis-
solvenda. Sed, quàm (labra!

*Multa cadunt inter calicem, supremaq;
Vix enim semihorulæ spatium abierat, cum
alter alterum, verbo temerè extra dentes
profiliante, adeò offenderet; ut hominem
istum diris devoveret, conviciis insectare-
tur, & quasi furore percitus cantharum ap-
prehenderet, caput ipsius probè dedolatu-
rus, nisi quidam alii paulò magis sobrii, tur-
pe illud pecus removissent. Tum verò ego
secedebam. Autumo, turbulenta & cruen-
ta hanc Comœdiam Catastrophe finitans,
& Py-*

& Pyladeos illos amicos colaphis egregiè concertasse. Hæc enim horum præludiorum solet esse pausa.

34. Vidimus possibile, & impossibile. Jam sequitur magnum, & parvum, vel comparatio bonorum; unde dignoscere licebit, quid magis minusve sit honestum, utile aut æquum. Ubi primus locus est: *Bona plura uno, aut paucioribus, sunt præstantiora.* Ut: si quis multas tenet linguas, longè illud est præstantius, quàm si vernaculam saltem calleat. Sed observandum hîc, quod monet Aristoteles: bona illa debere esse *συμμετρήσιμα*, connumerata, & unius generis: aliàs enim Locus ille fallit; cùm diversi generis bona adferuntur. Ut: divitiæ & honores sunt plura bona; at non interim præferuntur virtuti. Commiscentur enim hîc & confunduntur bona diversi generis: nempe Bona fortunæ, ut sunt divitiæ & honores, & Bona animi, ut virtus.

35. Secundus Locus: *Si genus generi simpliciter præfertur; etiam, quod maximum est in illo genere, maximo alterius generis anteponitur.* Ut: Si Jurisprudentiæ Theologia præfertur: etiam Theologus maximus maximum superabit Jurisconsultum.

36. Tertius Locus: *Quæ majora bona efficiunt, illa sunt præstantiora.* Ratio: Quia de effectu ex causa efficiente judicatur. Sic pro Muræna concludit Cicero: Murænam Imperatorem (bellicum) esse anteponendum Sulpitio Jurisconsulto; quia Imperator præstantiora bona, quàm Jurisconsultus, efficit. Sic probare quis posset, etiam Medicum Jurisconsulto præferendum: quia Jurisconsultus tantum versetur circa bona externa, quæ ad sustentationem requiruntur: cum Medicus circa ipsam corporis sanitatem versetur.

37. Quartus Locus: *Cujus causa efficiens præstantior, illud ipsum quoque præstantius.* Ut M. Marcelli restitutio est melior omnibus Cæsaris victoriis: quia has fortuna, illam verò virtus Cæsarum promovit.

38. Quintus Locus: *Quæ per se expetuntur, præstantiora sunt iis, quæ expetuntur propter aliud.* Ufurpatus est hic Canon à Philosophis & Theologis frequentissime. Legimus eundem apud Severinum Boëthium L. 3. de Consol. Philosophiæ, his verbis: *cujus causa quid expetitur, id maxime videtur optari.* Apud Platonem in Gorgia, & apud Stobæum serm. 151. *εάν τις περὶ τῆς ἐνείκευ*

Ἐ, ὃ τῷτο βέλεται, ὃ πρῶται, ἀλλ' ἐκεί-
 νο, ὃ ἕνεκα πρῶται; i. e. si quis quid facit,
 alicujus rei gratia, non hoc cupit, quod fa-
 cit, sed potius illud, cujus rei gratia facit.
 Ut: si quis, sanitatis causa, velit equitare;
 non tam equitandi motum desiderat, quam
 sanitatis effectum. Ita cum Deus animæ
 causa, quam sc. ad sui similitudinem forma-
 turuserat, carnem, vel limosum & luteum
 corpus, tanquam vasculum aut domicilium,
 quo posset illa contineri ac recipi, finxisset:
 ea re satis manifestum fecit, pretiosiore
 sibi & chariorem esse, humano corpore,
 animam. Quod exemplum habet Petr. Fa-
 ber Tholosanus L. 3. semest. c. 9. Virtus
 melior est divitiis; quia divitiæ à viro bono
 propterea expetuntur, ut virtutem eò splen-
 didius possit exercere. Pax quoque bello
 melior est; quia bellum propterea geritur,
 ut pacem consequamur.

39. Sextus Locus: Quod sine altero esse
 potest, præstantius eo est, quod altero carere
 non potest. Ut: prudentia melior est reliquis
 virtutibus; quia virtus planè nulla, absque
 prudentia, potest consistere. Sic quoq; Ju-
 stitia est melior fortitudine: quia si omne

essent iusti, fortitudine opus non habere-
mus.

40. Septimus Locus: *Quod rei alicujus
caussa est, aut principium; illud præferen-
dum ei, quod a principio alio originem ducit.*
Ut: præstantior est discipulo Præceptor;
quia causa ille est & principium eruditio-
nis. Præferendi sunt liberis Parentes; quia
sunt in causa, ut liberi existant.

41. Octavus Locus: *Duabus propositis
caussis, quæ meliorem habet effectum, illa
ipsa quoq; alteri anteponenda.* E. g. Dispu-
tatur de Philosophia Theoretica & Practi-
ca: utra alteri præferenda? adfirmatur, quòd
Theoretica, præ ista, principatum obtine-
at, & ratio: quia mentem hominis ita eru-
dit & informat, ut cognitione rerum ad
Deum accedat, eique quodammodò adsi-
miletur: cum contra Practica Philosophia
vitiosis adfectibus tantùm modum ponat,
& medelam adhibeat; quod in Deo locum
non habet.

42. Nonus Locus: *Quæ sunt rariora, co-
piosis & vulgaribus anteponenda.* Ratio:
quia κτήσις, sive possessio, vel acquirendi
ratio, est difficilior. Ita Eloquentia magni-
facien-

facienda, quia pauci Oratores, & verè eloquentes: ut Cicero, in Libro de claris Oratoribus, ostendit. Et laudabilius est, contra Turcam militare, quàm contra alios; quia non cujusvis est militis, vires suas in istum periclitari & exerere, sed solùm ejus, qui

Virtutis vera custos rigidusq; satelles.

¶ 43. Decimus Locus: Hic præcedenti contrarius videtur; & propterea denuò notandum: regulas hasce saltem esse probabiles, & uberem, in utramq; partē disputandi, præbere materiam; quales Aristoteles, & veteres alii, habuere quàm plurimas, ut in exercitati ad disputandum adsuefierent. Habet autem ita: *Quorum ῥῆσις, sive usus est frequentior, ea rariorib; preferenda.* Inquit enim Aristoteles: *ἡ ῥῆσις ὑπερέχῃ, usus superat.* Et, quod sæpè nobis comòdum adfert, superat id, quod rarò aut nunquam utile est. Unde dicitur apud Pindarum: *ἀεὶ ἕν ἰδὲ ὕδαρ, optimum quid est aqua, propter utilitates sc. magnas & perfrequentes, quas præbet.* Propertius quidè, in elegia quadam, vilem dixit aquam. Et Horatius quoq;, in aliqua Satyrarum, rerū vilissimam vocavit: qui tamè ad copiam, non ad usum, respexerunt.

Plu-

Plutarchus fanè in lib. V. *Symposiacorum* cap. 10. narrat, morem veterum fuisse, res communes, & quæ multis hominum usibus inservirent, divinas appellare, ut aquam, lucem: tellurem quoque eandem ob causam ipsos non rem tantum Divinam, sed Deam etiam appellasse. Quod obiter indicio nobis est: Ethnicos non Deos, vel Deas, quæ vulgò ita appellatas invenimus, existimasse; sed, ob aliquam tantummodò prærogativam, vel singularem effectum aut utilitatem, ejusmodi nominibus indigitasse. Diximus, hunc locum præcedenti contrarium videri; verè tamen non est: cùm prior loquatur de rarioribus *κλίσεις*, seu possessione; hic noster de frequentioribus *χρησεις*, seu utilitate.

44. Undecimus Locus: *Difficilia facilibus præferenda*. Ratio, quia difficilia sunt rariora: rariora autem vulgaribus esse anteponenda, jam dictum nono Loco. Et rectè docet Aristoteles, in *Topicis*: *magis delectamur possessione rerum, quas nemo potest facile acquirere*. Ope hujus Loci, virtutem divitiis magis esse expetendam, probamus: rara namque & difficilis paratu est:

est:

est: quod satis celebri quoque Hesiodi carmine intelligitur, qui canit:

τῆς δ' ἀρετῆς ἰδρωτὰ θεοὶ προπαύροισιν
ἔθηκεν (αὐτὴν,

ἀθάνατοι μακρὸς ἢ καὶ ὄρησι οἰμῶσι ἐπ'
καὶ τεχνὸς τὸ πρῶτον i. e. ante virtutem vero sudorem Dii posuerunt immortales: longa verò atq; ardua via est ad ipsam, primumq; aspera. Et Quintus Calaber scribit: celsissimus, & asper mons sanctæ virtutis, in quo ipsa stat, almæ vertici pedibus innitens, ardua & ad cœlum pertingens, circumq; circa omnes viæ, crebris interclusæ scopulis, facilem hominum accessum arcent: nam plurimi retrò cedunt, arduo itinere absterriti; & perpauci sursum, per sacram viam sudantes, ascendunt. Hæc ille. Sic videmus, tenaciores esse, & magis congestis incubare nummis, qui suis eos laboribus compararunt, quàm qui acquisiverunt hæreditate: quia major ibi, quàm hîc, est acquirendi difficultas.

45. Duodecimus Locus. Vicissim hic isti contrariari videtur: *Faciliora anteponenda difficilioribus*, i. Rhet. 7. fiunt enim cum quadam voluptate; & cum nullo negotio
ea

ea consequi possumus: prout volumus & optamus, ita se habent. Neque quisquam est, quin idem, sine labore, quam cum molestia, efficere malit. Usus habet Canon: quando agimus cum imperitis, qui plerumque difficultate rerum deterrentur, ut ab actionibus honestis resiliant; ubi ostendendum est, facile à nobis aliquid fieri posse. Ita cum difficultas objicitur in eruditione paranda, evincendum est, ad eam *à nobis* posse perveniri; modo voluntas adsit constans, nec methodus certa negligatur. Non pugnant hi duo Canones. Quia prior loquitur de rebus já acquisitis: & commodè usurpari potest in earum commendatione atq; laudatione. Posterior de rebus acquirendis: & locum habet cum primis in suasionibus.

46. Tertius decimus Locus: *Cujus contrarium est majus, id ipsum quoq; majus: & cujus privatio deterior, illud ipsum quoq; alteri anteponendū, cujus privatio tanta cum jactura non est conjuncta.* Ut intelligas, utrum duorum bonorum melius, specta etiā contraria eorum: *Cujus enim contrarium majus malū est, id alteri bonitate prestabit.* Exemplū accommodatum nobis suppeditabunt *valedudo, & divitiæ: quæ duo bona sunt; quorum*

rum

cum contraria sunt morbus, & paupertas: majus autem malum est morbus corporis, quàm paupertas: præstat igitur valetudo divitiis. Ita majus quoq; bonum id est, quo, si orbatus sis, magis plectaris. E. g. Bona erunt visus & auditus, quorum privationes vel orbitates, sunt cæcitas & surditas: perspicuum autem est, majus esse malum cæcitatē, quàm surditatem: quare majus bonum ad spectus est, si ve visus; quàm auditus. Sic deterior est privatio æternæ salutis, quàm jactura facultatum harum *mundialium*. Ergò animæ & salutis cura divitiis & opibus anteponenda.

47. Quartus decim^o Locus. *Quorum artes sunt præstantiores, illa ipsa sunt præstantiora.* Dicuntur autē artes, artib^o aliis, præstantiores, modis, ut Arist. docet l. i. de an. in principio, duobus: Primò, respectu ἀνεξιχνίασ, i. e. exquisite cognitionis, subtilitatis, & certitudinis: quomodo Mathematicæ scientiæ, quarū principia sunt certissima & demonstrabilia, Ethicis & Physicis præferuntur. Secundò, respectu ὑποκειμένου, i. e. subjecti & materiæ. Ita Theologia primas inter alias tenet Facultates, quia de Deo, & rebus divinis agit. Addi potest mod^o tertius, nempe respectu Causæ Efficientis, auctoris, vel eorum, qui

qui artem aliquam tractarunt. Ita agricultura contemnitur à multis ; cum laudanda potius, & non paucis aliis anteponenda videatur: quia multi sancti viri, multi etiam Reges & Patres, agriculturæ operam dederunt: & Romani Consules ac Dictatores sæpe ab aratro ad Remp. fuere vocati.

48. Quintus decimus Locus: *Quæ à prudentibus, vel omnibus, vel plerisque, vel optimis, judicantur meliora, illa ipsa quoque meliora, & reliquis anteponenda.* Hoc verò in loco observandum; duobus modis doctorum & prudentum iudicium ponderandum esse; vel *ἀπλῶς*, simpliciter; vel *ἐν τῇ ἐμπειρίᾳ*, ut Aristoteles loquitur, *ἐν τῇ ἐμπειρίᾳ*, secundum prudentiam & scientiam, cui aliquis potissimum est deditus. Verisimile quidem est, omnibus in rebus rectius iudicare prudentes, quam imperitos: secundum prudentiam tamen & scientiam, illorum est iudicium præferendum, qui in singulis facultatibus sunt occupati, inque iisdem excellunt. Verbi gratia: in lite & controversia forensi, credendum magis doctis, quam indoctis; prudentibus, quam imprudentibus; inter doctos tamen & prudentibus;

pru-

prudentes, iterum magis Jurisconsulto, quàm Theologo, vel Medico: quia hi judicant ἀπλωῶς, i. e. secundum generalē quandam justitiæ notitiam; ille κατὰ τὴν Φρόνισιν, i. e. secundum exactam Juris, quippe Facultatis suæ, scientiam. Unde illud: unicuique, in sua arte perito, credendum. Inquias: quid si illi artifices contradictoria statuunt? tunc inter ipsos excellentiori fides adhibenda: neque enim quis est artifex intelligendus; nisi qui exactam & accuratam omnibusque numeris absolutam, artis suæ scientiam acquisivit. Sin æquales sint, inque pari auctoritate constituti; utri tunc credendum? judicium est suspendendum, & tantisper conquiescendum, dum inter ipsos artifices conveniat.

49. Sextus decimus Loc^o: Quæcunq; insunt rebus præstantioribus, illa ipsa quoque sunt præstantiora. Ubi rursus distinctio illa est observanda; quod alia sint præstantiora simpliciter, & in se ac sua natura; alia hominum opinione, & judicio. Ita quæ in Deo sunt, simpliciter sunt præstantiora, & præferenda iis, quæ sunt in hominibus, & quidem, quia Deus ἀπλωῶς est bonus & perfectus: contra: quæ sunt

sunt in Regib⁹ & Principibus, plerunq; præstantiora sunt reliquis, non simpliciter; sed *æiōs* hominum. Ita si quoddam Principis dictum auditur, quod vel minimum prudentiæ speciem præ se ferat, longè habetur præstantius, quàm si multò proferat sententiam meliorem ac utiliorem ipse Plato aut Socrates. Sæpè etiam perperam facta comendantur; quòd à personis conspicuis sint patrata.

50. Septimus decimus Locus. *Quæ jucundiora, & majori cū voluptate sunt conjuncta, minùs jucundis præferenda.* Jucundiora verò æstimantur duobus modis: 1. Respectu oppositi doloris; si minori sc. cū molestia fuerint conjuncta. 2. Respectu adjuncti temporis; si fuerint diuturniora. Ita studiorū cultura præferenda est rei bellicæ; quia minus est molestiæ in Academiis, quàm in castris. Et anteponendæ sunt animi voluptates^o voluptatib⁹ corporis; quia voluptates corporis statim pereunt, & eas sæpè poenitentia sequitur, ac dolor; accessu lingūt, discessu pungunt: animi verò voluptates sunt diuturnæ. Et quamvis aliquando cum difficultate parentur; tamē cum tranquillitate possidentur.

51. Octavus & decimus Locus. *Quæ homines vel sibimetipsis, vel liberis, vel amicis suis optant,*

optant, illa reliquis præferenda. Ratio, quia quisq; sibi ipsi est proxim^o, & ut proverbium habet: *Tunica pallio propior est.* Ita vita diuturna opibus est anteponenda; quia prudens quisq; sibi, & suis, hanc magis, quam opes, optat.

§ 2. Nonus & decimus Locus. *Constantiora sunt fluxis anteponenda.* Ratio: quia eorum utilitas, propter temporis diuturnitatem, est præstantior: deinde magis respondent nostris votis. Ita secunda fama, nomenq; bonum, divitiis sunt anteponenda; quia hæ sunt momentanea & fluxa; bona fama etiã durat, cum jam vespillo nos sibi mancipavit, & omnes nostri corporis artus in pulvisculos sunt redacti. Unde Cicero, non hominis esse, putat, susq; deq; ferre, quid alii de se sentiant, & loquantur. Et alibi ait: maximum, & optimum liberorum patrimonium, bonum esse nomen parentum.

§ 3. Vigessimus Loc^o. *Quod præstantius etiã hostes nostri estimant, id reliquis anteponendum.* Ratio: quia adversarii & hostes, nõ nisi invitati, & urgente conscientia, veritatẽ proloqui præsumuntur. Ita Scipio Africanus reliquis Imperatoribus est præferendus: quia ipse Hannibal interrogatus, quem Duce post se judi-

judicaret præstantissimum; Scipionem nominavit. Ita versio Bibliorum nostrorum Germanica reliquis anteponitur: quia testimonium egregium, ab ipsis etiam hostibus, reportavit. Franciscus Dryander, Hispanus, vir doctissimus, sæpè ex animo linguæ Germanicæ cognitionem ideò sibi optavit, ut Germanica Lutheri Biblia, toties à multis excellentibus viris commendata, ipse etiam & lectitare, & intelligere posset. Similiter non dubitavit Erasmus, Pontificius, Luthe- ro aliàs malè volens, adserere: Lutheri enar- rationes in S. Biblia, longè omnium enar- rationibus, quæ extant, antecellere. Quod verò hostes contra hostes proloquuntur, non multum ponderis habet: quia ex male- volentia prolatum præsumitur. Quò perti- nent Cochlæi, Historici Pontificii, relatio- nes de vita & morte Lutheri, mendaciis & calumniis refertissimæ.

54. Primus & vigesimus Locus: *Quibus pœnæ sunt majores constitutæ, illa ipsa majo- ra.* Ut: latrocinium gravius habetur furto; quia graviori supplicio adficitur. Et apud Romanos gravius fuit fœnerari, quàm fura- ri; quia fœnerator quadruplo, fur duplo mul-
ctaba-

Et abatur. Contra etiam: quibus præmia sunt
 majora proposita, itidem sunt majora. Istud
 locum habet in vitiis; hoc in virtutibus.

15. Secundus & vigesimus Locus. Quæ
 dividuntur in partes, ipsa majora apparent.
 Plurimum enim vel bonorum, vel malo-
 rum apparet, in exuperantia sive copia. Ita,
 ut Homerus Iliados 9. scribit, cum Melea-
 ger, commotus ira, alia nulla ratione im-
 pelli potuisset, ut arma caperet, ac salutem
 suorum defenderet; auxilio hujus Loci
 uxor ipsi persuasit, ut propter mœrorem
 jacens excitaretur, nec tempori illi deesset,
 cum hostes jam fortunis imminerent, ac
 vitæ civium mortem præsentaneam mini-
 tarentur, ubi futurum, ut filii è sinu matris
 distraherentur, tecta incenderentur, cives
 occiderentur, & infamia eos perpetua co-
 mitaretur; ac quæ alia mala ibi comminata
 recensentur. Sensus nimirum Canonis per-
 spicuus est hic: in quò plures partes aliquid
 potest distribui, eò majus est.

56. Tertius & vigesimus Locus. Circum-
 stantiæ Loci, Temporis, Ætatis, Personæ,
 Modi, &c. res ipsas majores reddunt. Ra-
 tio: Quia difficiliora judicantur, quæ præter

C

expe-

expectationem, præter tempus, præter ætatem, præter locum fiunt. Ita Cicero, in Philippica secunda, ebrietatem Antonii exaggerat, à circumstantia loci & personæ: quod Antonius, magister equitum, negotium publicum gerens, in coetu populi Romani, & in tribunali, ebrietatem vomitu prodiderit, tribunal impleverit frustis esculentis. Ita, si quis juvenum adeò suos in potestate habeat adfectus, ut, licet variis adjiciatur irritamentis, & nuda ipsi Thais ante oculos ponatur; tamen animum non contaminet suum: longè majorem ille laudem merebitur, quàm si quis vetulus, ad furta Veneris ineptus, ab ea sibi temperet.

Exemplum insigne nobis suppeditat S. Hieronymus, Tom. I. Operum, in Historia Pauli Eremitæ, p. 90. de juvene quodam, qui nullis suppliciis, nullis torturis, nulla deniq; vi ad peccandum induci poterat. Rem itaque hostes Veritatis aliter agredientur, & hominem illum, juvenili ætate florentem, in amœnissimos hortulos præcipiunt abduci; ibiq; inter candentia lilia ac rubentes rosas, cum leni marmure aquarum

rum

rum juxtà serperet rivus, & molli sibilo arborum folio ventus præstringeret, serper exstructum plumis lectum resupinari jubent: & ne se inde possit excutere, blandis ex serico nexibus irretitum relinqui. Quò cum, recedentibus cunctis, meretrix speciosa venisset, cœpit delicatis colla stringere complexibus, ut, corpore in libidinem concitato, se victrix impudica superinjiceret. Quò se conferret juvenis lectissimus, nesciebat. Tandem præcisam morso linguam, in osculantis se faciem exspuit: ac sic libidinis sensum succedens doloris magnitudo superavit. Aderat fortè gibbosum etiam quoddam filicernium: quod, cum istum devincire sibi non posset foemella, propudiosissima adoriebatur, ludibrium sibi hominis imbellis ridiculam, quam sperabat, jucunditatem factura. Sed & hoc, collecto in vires animo, in fucatam seductricis faciem conspuebat: fatius est, inquam, ut tu à me conspuaris, quàm ut ipse juvenili flagitio in meam ipsius conspuam senectutem. Uter horum palmam reportavit viridiorum? Colligere hoc in proclivi est. Considerentur circumstantiæ;

& apparebit : Juvenis factum multis para-
langis præcurrere factum senis.

57. Quartus & vigesimus Locus. *Quæ
tempore necessario, aut periculoso sunt utilio-
ra, illa reliquis præferenda.* Sic Medici inter-
dum Jurisconsultis præferuntur; quia in
morbis periculosis nobis adsunt. Et pietatis
studium cæteris anteponitur, quia necessa-
rium est nobis tum, cùm ex hac mundi fa-
bula nobis est abeundum.

58. Quintus & vigesimus Locus. *Quæ
expetuntur propter se, non propter opinionem,
aut ostentationem quandam, anteponenda
sunt illis, quæ ad opinionem, vel ostentationem
referuntur.* Dicuntur verò ad ostentatio-
nem illa referri, quæ non aggredierentur ho-
mines, si putarent, illa occulta mansura. Ita,
in Evangelio, Pharisæorum & Scribarum
justitiæ aliorum justitiæ anteponitur; quia
illa ad meram erat facta ostentationem:
& pauperulæ viduæ elemosyna præfer-
tur donis divitum multorum: quia ex ani-
mo erat data; non ad auram popularem
captandam.

59. Sextus & vigesimus Locus: *Quæ esse, quam videri malunt, illa reliquis præferenda.* Ratio: Quia ejusmodi propius ad veritatem accedunt. Ita probitas multis modis præferenda est improbitati: quia probitatem occultare opus non habemus; ad improbitatem verò multo & vario opus est prætextu. Sic etiam amor parentum charitati reliquorum est præferendus; quia naturæ instinctu tales amare cupimus; reliqui videri volunt amici, cum sæpè

Astutam vapido servant sub pectore vulpem.

60. Septimus & vigesimus Locus. *Ex duobus vel pluribus bonis præferendum illud, quod totum melius reddit.* Hoc nomine virtutes bonis aliis anteponuntur; quia totum hominem meliorem efficiunt; cum divitiæ, & bona alia pleraque, tantum modò corpori profint.


61. Octavus & vigesimus Locus. *Quod nobis charum est unicum aut solum, illud præstantius est eo, quod unicum non est, vel minus charum habetur.* Ita Scriptura Sacra Dei in nos ingentem prædicat amorem, quòd Filium suum, eumque unigenitum charissimumq;

mumq; pro nobis in mortem tradiderit. Et
 charior Visus est illis, qui sunt *μονόφθαλ-*
μοι, quàm qui oculum habent utrumque.
 Hinc Leges quoq; gravius supplicium illis
 constituunt, qui oculo unico orbatum ex-
 cœcare non verentur.

62. Atque hæc est Aristotelis doctrina,
 explicata, & exemplis variis illustrata, de
possibili ac impossibili, magno ac parvo, sive
rerum comparatione: utilis deliberationi-
 bus tum privatis, tum publicis; ut videre
 est apud Ciceronem, qui, multis in orationi-
 bus, hisce locis utitur. Ut in oratione pro
 Muræna, quæstio est: an Muræna Impera-
 tor bellicus Sulpitio Jurisconsulto sit ante-
 ponendus. Pro Muræna, argumenta ex his
 locis sumuntur: quòd plus Reipublicæ Im-
 peratores bellici profint, quàm Juriscon-
 sulti: quòd major in arte militari, quàm in
 Jure sit, difficultas. In oratione pro Archia,
 artes & literæ commendantur, compara-
 tione ex his locis facta: nobiscum, inquit,
 peregrinantur, rusticantur, pernoctant, de-
 lectant domi, non impediunt foris, &c. Ubi
 diuturna bona ex loco 19. §. 53. & multa,
 & ea quidem, secundum Aristotelis præ-
 ceptum,

ceptum, enumeratione, & distributione
proposita, ex loco 22. §. 56. reliquis præ-
feruntur.

63. Tædiosa prolixitate hæc proposui-
mus: sed factum id, ob aliorum pernicio-
sam vel brevitatem, vel negligentiam: qui
utilissimam hanc doctrinam sicco pede
prætereunt.



APPENDIX.

De Actione & Pronunciatione.

1. **A**ctio & pronuntiatio sunt quasi
quædam corporis Eloquentia:
quæ sono vocis, & membro-
rum motu constat.

2. Ita autem pronunciarè debemus ora-
tionem, atque eos gestus formare, ne ri-
dicali reddamur: quod Persius, Satyra
prima, in sui seculi reprehendit Oratori-
bus. Artis affectatio nimia minuit gravi-
tatem; minima, vel planè neglecta, prodit
rusticitatem.

3. Ut autem mediocritatem, quæ ubique antea est reputanda, serves: antequam in publicum prodeas, considera; quæ vel elevatio, vel depressio vocis, rei, loco, personis conveniat: ne, quod aliquando ineptuli faciunt, absque ulla causa, modo Stentoria voce clamites; modo, ut pumilio, pipias.

4. Prout enim res ipsa, quæ est pronuntianda, se habet; prout adhibitæ sunt dicendi figuræ; prout adfectus sunt movendi: ita Oratio erit pronuntianda: ut, qui rem audiunt, eandem videre videantur. Hinc ita Horatius:

*Ut ridentibus arrident; ita flentibus adsunt
Humani vultus. Si vis, me flere; dolendum est*

*Primum ipsi tibi. - - - Tristia moestum
Verba docent: iratum, plena minarum:
ludentem, lasciva: severum, seria dictu.*

5. Cavendum autem maximè, ne non tam dicere, quàm cantillare videamur; id quod imprudentibus quandoque Concionatoribus accidit; qui omnia adfectatè, & infra verbi Dei sanctissimi auctoritatem, proferunt: dum voce, modo mulierculas,

culas, modò agyrtas & circumforaneos, imitantur.

6. Exordia voce *moderata* sunt inchoanda: quæ in Narratione, & Propositione paulatim *adsurgat*. In Confirmatione & Confutatione *concitatiorem* fieri oportet; in Peroratione, omnem ut *moveat aculeum*, *attollere* se fortius debet.

7. In actione *fugienda gesticulatio*: ne funambulū potius, aut morionem, quàm Oratorem, representemus.

8. Oculi hîc multùm ad rem faciunt, si recto tempore vertantur, attollantur, deprimantur: quæ omnia rectiùs usu, quàm præceptis, docentur. Semper autem illi *cum manuum gestu debent consentire*.

9. Si *manum vertis* versus dextram; *concinne oculos vertis* versus sinistram.

10. Manus etiam, maximè dextra, movetur, nisi opposita sint proferendâ. Ut: *illi ad Orientem positi sunt; isti ad occidentem*. *Divertunt illi ad levam; hi ad dextram*. Tunc enim, pro diversitate situs, modò sinistra, modò dextra, utendum.

11. Utraque etiam manu simul utimur: *cùm rerum immensitatem, cùm infinitam*

finitum propè numerum, cùm spatia, longè lateque patentia, designamus.

12. Diutius manum commovere, quàm rei magnitudo poscit, futile reputatur.

13. Totum corpus rarò, *vel nunquam*, est motandum: in cathedra non discurrendum; nec caput crebriùs concutendum; vel labra, more canis hirrientis, contorquenda.

14. Omnia hæc juvenibus, præeunte veterano & exercitato Oratore, discenda; qui ipso actu hæc monstret; longè utiliùs hac ratione, quàm regularum multitudine, imprimenda, & discenda sedulò: cùm ipse Demosthenes primas, secundas, tertiasque Oratoris actioni tribuerit; & *sine ea Oratio magis sit corporis sceleton*, quàm ipsum corpus. Veteres tantum ei tribuerunt; ut eam à Comædis & Tragædis haurire, non gravarentur.

15. Attamen in primis *verecundia* & *pu-
doris studium* conservemus; cujus adeò studiosi erant antiquissimi Oratorum, ut, si quis forensia studia auspicaretur, nefas putaretur, brachium extra togam exserere: ut refert Seneca, Lib. V. Controv. VI.

16. At

16. At nunc eò res rediit ; ut, nisi quis plenis & inflatis buccis, & incitatissimo verborum inconditorum lapsu, agresti, aut etiam furioso corporis motu, capitisq; circumactione, sese jactitet, & auditoribus partim risum, partim bilem moveat : in numero disertorum haberi, prorsus non censeatur.

17. Sed eos, cum omni populari turba missos faciamus, contenti paucis, iisque eruditis bonisque auditoribus. Nam quis paulò cordatior sese *Mida* alicui, auriculis tantùm asininis instructo, aut *Bœotorum* pueris, adprobare laboret? inquit eruditissimus *Heidmannus*, *Dissert.*

Rhetorica XV.

F I N I S.



Germanismi falso suspecti.

1. Ad quem finem in artem fuit.
2. Retitui in ambiguum statum.
3. Redire ad se.
4. Vult Komam.
5. Fluvii curvat in mare.
6. Sedet bene vertis. Quintil:
7. Sedere in sole.
8. Alind ex aliqua rursus.
9. Invidit bellum.
10. Res potest diligentem hominem.
11. Tempus potest.
12. Amittere causam, litem. Cic.
13. Amittere vitam s. animam. Corn: Cic:
14. Vincere ludum. Liv:
15. Revenire domum. Cic: libro de Orat:
16. Antevenire aliquem.
17. Convenire in unum locum, ad iudicium.
18. Conducere copias. Cic: velle hoc imperium, non imperium.
19. Anteroneu aliquem alicui.
20. Accidere alicui aliquid sinum Merod in plumbum. Corn: in Sal:
21. Adjurare alicui sinum in pfectum. Ter:
22. Circummittere in subter pfectum. Cas:
23. Accipere pecuniam. Cic: velle hoc imperium.
24. Proscribere alicui aliquid. Ter:
25. Accedere ad genus. Ter:
26. Nocet nihil in pfectum nigt.

27. Aut scire aut nescire volo.
 28. A principio, a pueritia.
 29. Mercuarius a villa in Mram Tom hie An.
 Ter:
 30. Abs se facere.
 31. De ipsius exortu non amplius mille
 hominum cecidit.
 32. Est mihi fides apud illam. Ter:
 33. Aliquid valere apud aliquem. Cir:
 Vil: pag: 481.
 34. Pro ira. Ter:
 35. Pro gaudio. Ter:
 36. Pro lacrymis loqui non posse. Cir:
 37. Pro metu.
 38. Ante omnia.
 39. Ante alios aliquem amare. Virg:
 40. Ante oculos esse. Coru:
 41. Ante oculos proponere.
 42. Ante oculos habere.
 43. Ante oculos se offerre.
 44. Ante pedes esse. Ter:
 45. Ante faciem alicuius esse. Cora:
 46. Partim cum aliquo.
 47. Biennium est quod hoc factum est.
 48. Dare alicui liberum. Ter:
 49. Non est utriusque.
 50. Non est minusque.

51. Factum est illi cur vel illig cur.
52. Sic tantū ^{germanice} scire.
53. Alere tanto longior major.
54. Quis tanto amplius ⁱⁿ ^{germanice} scire. Cic.
55. Non habebat partem vicesimā militū.
Cic.
56. Nos duo. omnes tres. omnes quatuor.
Cic.
57. Sicut ^{et} ^{est} ^{est}.
58. Apud Germanos ea consuetudo est.
59. Quod est veritate falsū. Cic. pro Rosc.
60. Hoc eō valet. Cic.
61. Ne minimam quidem partem quod in
intellexi. Cic.
62. Tres in longum habet pedes.
63. Uno verbo dico. Ter.
64. Quid est quod me velit. Per.
65. Dolet mihi hoc factū esse. Cic.
66. Dolet hoc cordi meo.
67. Dolet a sole caput. Mix.
68. Dolent ab ictu aures.
69. sine causa.
70. sine ulla iuxta causa.
71. Ventū expectare. Cic.

72. Venio venire. Teru:
73. Silenio praterre.
74. Oculor parere. Ter:
75. Louere occasionem. Liv:
76. Louere apud aliquē gratiam. Tur:
77. Invenire gratiam apud aliquem.
78. In tanta fortuna ex se prostratus.
79. Et mane ad vespere. Paul:
80. Hodie mane. Cras mane, heri mane.
81. Hodie vespere, cras vespere, heri vespere.
82. Necessitas cogit me. Cic:
83. Abstinerere cibo et se cibo. Teru:
84. Sub specie iustitiae dum gaudere.
85. Vide avaritia quid faciat. Ter:
86. Habet speciem ut sub dum gaudere.
87. Propondere alicui exemplum ad imitandum. Cic: de Offi:
88. Relinquere alicui imaginem ad imitandum. Cic:
89. Quid audis.
90. unus et alter.
91. nihil ad illud. et ista nihil dicitur.
92. de pleno promere. sed velle
limitat infirmum.

93. Proposui mihi hoc facere.
 94. Resy si propositū.
 95. Errare a proposito.
 96. Manere in proposito.
 97. Redire ad propositū.
 98. Experire alicui sententiā. Cor:
 99. Tenabū habere de aliqua re.
 100. De longū faciam.
 101. Ut se inibia dederint.
 102. Breviter hoc percurrere.
 103. Da me libenter ad illū partem,
 ad quam diu iugendi.
 104. Non impudenter vel imperite
 facere. Cor:
 105. A fundamentis diripere. Cor:
 106. Longum est hoc enucleare. Cor:
 107. Relinquere scriptū. Cor: Hanu: c. 8.
 108. Portare secū pecuniam magnam. Cor:
 109. Hoc tibi affirmo ita fore. Cor:
 110. Indicare alicui bellū. Cor:
 111. Mori neote. Cor:
 112. In magna paupertate decedere. Cor:
 113. Paucis gradibus ante.
 114. Hoc facere nullū diem praetermittit. Cor:
 115. Magnam reliquere sui famam. Cor:

116. Cum terquus potest. Coru:
117. Relinquere scriptū scribis futurū in p. Coru:
118. Malam factū est. Coru:
119. suo sanguine, si possent, ab Acheronte cugi:
ebant. Coru:
120. Hoc omnibus mirū videbur. Coru:
121. Sedere tū uno loco. Coru:
122. Ipse pro me dicere non possum. Coru:
123. Resedit, ut si à lassitudine cuperet
acquiescere. Coru:
124. Obidire alicui insolentiam. Coru:
125. Loqui gracē. Coru:
126. Ab eo nullā accipio usurā. Coru:
127. Culpa est in hoc. Lic:
128. Loquit ad voluntatem. Lic:
129. Quid in tuis literis desiderarim, scribam quati:
cia:
130. Hocie me perperam vider. Ter: And:
140. Quis veri chrypsidem habuit? Ter: And:
141. Numquam bovie fecū unum meta:
tum patrum vult verbum eade loc:
mū. Ter: And:
142. Ire ad aliquem. Ter:
143. Amittere aliquem ē compellere suo

4.

16.
17.
18.
19.




37 ~~14~~
K, R

AD 37 ~~14~~
K, R

ULB Halle 3
006 567 460


1077






Inches 1 2 3 4 5 6 7 8 9 10 11 12 13 14 15 16 17 18 19
Centimetres

Farbkarte #13

B.I.G.



o Aristotelica,
ad
OS IN-
NIS RHE-
ICÆ,
umta
nibus publicis,
itate Jenensi
positis,
c XXXIII.
à
MICHAELE
RO, P. P.

BERGÆ,
GEORGII ENDTERI.
c XCIV.

